



## Suesuega 18

### ■ Fesoasoani i le Suesuega a le Vasega

### “O Mala Mulimuli e Fitu”



#### Suesue

#### 1. Faitau le Faaaliga 15–16:10.

A o lei tusia e Ioane le liligiina mai o mala mulimuli e fitu, ae na ia muai faailoa mai tulaga nei ia i tatou:

(A) O nisi o faamalosiga i le Faaaliga 15:1-4. Aisea tatou te loto tetele ai i lenei vaaiga?

---

---

---

---

---

---

---

---

(B) O le lapata'iga i le Faaaliga 15:5-8. O le a lenei lapataiga?

---

---

---

---

(C) O loo iai pea le fesili pe ni mala totino nei pe ni ata faatusa. E tolu manatu:

- (1) **O mala totino moni lava.** E manatu i latou nei, a aveesea lea tulaga, ona faapefea lea ona avaea o nei mala ma faasalaga o tagata amioleaga?
- (2) **Ata faatusa.** E manatu i latou nei, e leai se tasi e totoe mai i nei mala e tauina le taua i Amaketo o le mala lona ono, pe afai e totino moni mala.
- (3) **E totino moni toe ata faatusa foi.** E toatele i latou e auai i lenei manatu ona e lautele foi lona faaaogaina.

Tusi ni ou manatu a o e manatunatu i nei manatu e tolu.

---

-----  
-----  
-----  
-----  
-----  
-----

### Manatunatu Iai.

O le tala a le Tusi Paia e fialia Le Atua i le Agalelei ma le faamagalō. Aisea e liligiina mai ai Lona toasa e ala i nei mala?

O le upu Eleni ua faaliliuina The Greek words translated into English “o le toasa mamafa o Le Atua e Ona le Malosi uma lava” i le Faaaliga 19:15 toetititi lava le mafai ona faaliliuina. O le a tonu le uiga o ia upu, se’i vaga ua e ta’u mai ai ua “**matua toatamai lava o Ia.**”

O loo tatou malaga faasolosolo i le Tusi o Faaaliga i le gagana ita tele. E tele upu eseese o loo faaaogaina e le gagana Eleni e faailoa mai ai le “ita tele, toatama’i, toasa,” tatou te le maofa foi la i le ita tele o le tarako (Faaaliga 12:12, 17), pe ua tumu foi Papelonía faitaaga i le ita (Faaaliga 14:8, 18:3). O le tele lava o tala, tatou te vaaia ai le le taupulea o lagona o le tagata leaga.

Peitai tatou te maofa ona ua tatou vaaia le toatamai ma le toasa o Le Atua, faaitaiga o le Faaaliga 11:18; 14:10. A tatou fesagai loa ma mala mulimuli e fitu, o le toe liligiina ifo lea o le toasa atoatoa o Le Atua (Faaaliga 15:1). E ono faapopoleina ai se tasi i lenei vaaiga mai Le Atua.

E mafai ona fesoasoani mai le Feagaiga Tuai e faamalalamaina ai lenei tulaga. E tele ina foliga eseese mai ai Le Atua toasa o le Feagaiga Tuai, ma Keriso agamalu o le Feagaiga Fou. Peitai e le faatagaina e le Faaaliga lenei ata mo i tatou. E ita foi le Tamai Mamoe (Faaaliga 6:16) e iai foi o Ia I le

faatafunaina o e ua faailogaina e le manu feai (Faaaliga 14:10). E mafai ona avea le ita ma e aoga, pe le aoga foi, ae fuafua lava i le tulaga ma le mafuaaga e faaaogaina ai.

O le tulaga autu e tatau ona malamalama iai, o le toasa o Le Atua e le se lagona oso—a o le tulaga e tonu ma sa’o. E le o faalii Le Atua pei o le tagata. O Lona toasa, o Lana faaiuga tonu lea i se tulaga e faaleagaina le solo lelei o le univesa. O Ia o le puipuiina e agaleagaina, o Le laveai i le ua sauaina. O le mea lea e le tatau ai ona tatou faia faaiuga i le toasa o Le Atua, e ala i o tatou lava lagona faapito ona o le agasala.

O le molimau a Jon Paulien ina ua faasalaina o ia i le ave taavale saosaoa: “O upu na tusia i lana sala e faapea: ‘O le tetee a tagataano u o le settee o New Jersey ia Jon Paulien.’ O se lagona matua teena le lagona na oo mai ia te a’u! E matua tiga lava—8.6 miliona tagata e tetee ia te a’u! Peitai na toe oo mai le malamalama i si o’u mafaufau, e leai se tasi o ita moni lava ia te a’u, e oo lava foi i le leoleo na faasalaina a’u. e ititi lava si vaega o le feagaiga o maopoopo ai le settee o New Jersey na ou solia. O le “ita” la o New Jersey, ua avea lava lea ma lapataiga ia te a’u talu mai lena aso.”

-----  
-----  
-----  
-----  
-----

© All rights reserved Seventh-day Adventist Church South Pacific Division.  
Not for profit publication. **Faatagaina le faaliliuina e Etuati E. Erika**  
[erika@adventist.org.au](mailto:erika@adventist.org.au) <http://carrumdowns.adventistconnect.org>  
[www.revelationhope.com](http://www.revelationhope.com)